

Ministarstvo obrazovanja, nauke, kulture i sporta Unsko-sanskog kantona, na osnovu člana 56. i člana 70. Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine", broj: 35/05), člana 59., 60. i 61. Zakona o osnovnom i općem srednjem odgoju i obrazovanju („Službeni glasnik Unsko-sanskog kantona“, broj: 5/04, 7/10, 11/15, 12/19, 15/20), člana 38. i 39. Zakona o srednjem obrazovanju („Službeni glasnik Unsko-sanskog kantona“, broj:17/12, 12/19, 15/20) i člana 30. Zakona o predškolstvu („Službeni glasnik Unsko-sanskog kantona 3/97,6/05, 23/11 i 17/19) raspisuje:

JAVNI POZIV

Za prijavu kandidata/kandidatkinja za člana/članicu Ekspertne radne grupe za organizaciju i vođenje obrazovne reforme u Unsko-sanskom kantonu

Poziv se raspisuje za sljedećih 7 kandidata/kandidatkinja.

Kandidati/kandidatkinje se mogu prijaviti za izradu dokumenata kurikuluma iz sljedećih oblasti:

1. Dva (2) člana/članice - Pedagoški fakultet Univerziteta u Bihaću
2. Jedan (1) član/članica - predškolsko obrazovanje
3. Jedan (1) član/članica - razredna nastava
4. Jedan (1) član/članica - predmetna nastava
5. Jedan (1) član/članica - gimnazija
6. Jedan (1) član/članica - srednje stručne škole

Napomena:


Sedam (7) izabranih kandidata/kandidatkinja koji/koje se prijave na javni poziv bit će dio dvanaestočlanog tima koji će voditi obrazovnu reformu Ministarstva obrazovanja, nauke, kulture i sporta u Unsko-sanskom kantonu.

Jedno od izabranih kandidata/kandidatkinja od pozicije 3 do pozicije 6 treba biti direktor/direktorica ustanove.

Komisija se angažuje na period od dvije (2) godine i članice/članovi bit će plaćeni za svoj angažman a iznos naknade na mjesečnom nivou utvrditi će ministar svojim Rješenjem.

Opis poslova:

Od odabranih kandidata/kandidatkinja se očekuje da će aktivno sudjelovati u sljedećim procesima te da će obavljati navedene aktivnosti:



- Izrada Poslovnika o radu ekspertne radne grupe.
- Prisustvovanje sastancima ekspertne radne grupe.
- Kreiranje, korigiranje, praćenje i izvođenje Plana reforme obrazovanja u Unsko-sanskom kantonu.
- Prisustvovanje svim edukacijama vezanim za izradu dokumenata kurikuluma.
- Prisustvovanje edukacijama s nastavnicima.
- Edukacija članica i članova predmetnog kurikuluma u pisanju i oblikovanju predmetnog kurikuluma zasnovanog na ishodima učenja.
- Kontinuirani rad s predmetnim grupama na korigiranju predmetnih kurikuluma.
- Prezentiranje obrazovne reforme u javnosti, u skladu s planom koji izrađuje Ministarstvo obrazovanja, nauke, kulture i sporta Unsko-sanskog kantona.
- Vođenje javne rasprave.
- Pisati upute i pravilnike za korištenje kurikularnih dokumenata.
- Ostale poslove neophodne za kontinuiran i nesmetan proces razvoja dokumenata u okviru obrazovne reforme.

I Pravo prijave na javni poziv imaju osobe koje ispunjavaju sljedeće uslove:

- a) dobro poznavanje najmanje jednog stranog jezika za korištenje savremene stručne literature vezane za kreiranje kurikuluma;
- b) razvijene digitalne kompetencije;
- c) visok stepen razvijenosti komunikacijskih vještina, organiziranosti, te spremnosti rada u timu;
- d) visok stepen odgovornosti u radu koja se ogleda u poštivanju zadanih vremenskih rokova, preuzimanju odgovornosti za lično dodijeljene zadatke, kao i odgovornost za vlastiti doprinos u sklopu timskog rada;


Za poziciju 1

- a) Dokaz o statusu profesorice/profesora na Pedagoškom fakultetu Univerziteta u Bihaću

Za pozicije od 2 do 6

- a) Dokaz o završenom najmanje predbolonjskom režimu studija ili drugi ciklus Bolonjskog sistema studiranja;
- b) Dokaz o položenom stručnom ispitu za nastavnike i stručne saradnike u predškolskim ustanovama, osnovnim i srednjim školama;
- c) Dokaz o najmanje pet (5) godina radnog iskustva u odgojno-obrazovnim ustanovama.

Poželjno je da kandidati zadovoljavaju i sljedeće uslove:



1. da su učestvovali u kreiranju Zajedničke jezgre Nastavnih planova i programa (ZJNPP);
2. da su se u dosadašnjem radu bavili obrazovnim teorijama i praksama, istraživanjima u okviru BiH školstva, analizama okvirnih dokumenata i udžbeničke prakse i drugim oblastima relevantnim za reformu obrazovnog sistema;

II Kandidati su obavezni dostaviti sljedeće dokumente:

- a) ovjerenu fotokopiju diplome,
- b) ovjerenu fotokopiju uvjerenja o položenom stručnom ispitu,
- c) kratku biografiju ili CV,
- d) motivacijsko pismo za rad u stručnoj grupi za izradu kurikularnih dokumenata.

Prijave na Javni poziv, uz propisanu dokumentaciju slati u zatvorenoj koverti sa naznakom „Prijava na javni poziv za člana Ekspertne radne grupe za organizaciju i vođenje obrazovne reforme u Unsko-sanskom kantonu, (pozicija _____), dostaviti na adresu Ministarstvo obrazovanja, nauke, kulture i sporta Unsko-sanskog kantona, Ulica Alije Đerzeleza 6, 77000 Bihać.

Javni poziv ostaje otvoren osam (8) dana od dana javnog objavljivanja.

Dokumentacija dostavljena na javni poziv se ne vraća.

Nepotpune i neblagovremene prijave na javni poziv neće biti razmatrane, te se osobe koje podnesu takve prijave ne smatraju kandidatima prijavljenim na ovaj poziv.

Datum: 14.06.2021. godine
Broj:10-34-6325-1/21



Ministar:
Almin Hopovac, prof.